



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Mutinensia. In Mutinam Jul. Cæs. Scaliger.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

cento. Remotis mensis atque arbitris suis, cuiq; convi-
varum mores paulo liberius pati, seni, juveni, faceto, di-
caci vel ad ineptias usque, fas esto. Si qua licentius poti
dixerint, fecerint; ea in urbe aliis narrare, aut omnino
in memoria habere fas non esto. Scorta, scurræ, parasiti,
præstigiatores, atoli, ac ejusmodi impurum & profa-
num genus procul arcentor. Aleis, latrunculis, scrupu-
lis, talis, si qui se oblectare maluerint; nemini tunc vitio
dator, modo fiat modicè, ne forte jacturæ dolor in gau-
dii, cui hic locus à majoribus dicatus est, sedes mœrorem
induxerit. Hisce actis, in eodem sacello DEO item Opt.
Max. gratias agunto. In urbem læti ludibundiq; ab-
eunto.

I B I D E M.

Gaudendum locus hic; procul hinc discedite tristes.



MUTINENSIA.

IN MUTINAM JUL. CÆS.

SCALIGER.

Nescit quo potius tumeat Rangonia tellus:
Tot se fama nova vertit in ora vetus.

Fama vetus, tot fama recens se vertit in ora:
Ut tituli numeros nesciat ipsa sui.

Mars catus in victis admiscet viribus artem:
Ardua sic gemino nomine bella docet.

At Venus atherias cum sinxerit aurea formas:
Verborum adjunxit pondera picta modis.

Inde triplex liquidos animos inspiret Apollo:
Inde triplex nitida gratia juncta manu.

Nulla deest Erato. capiet te candida Pitho,
Ut mox oblitus tu videare tui.

Nescit quo potius tumeat Rangonia tellus,
Ergo nec dignum velle tumere putat.

IN CATHEDRALI.

FRANCISCI CASTALDI

corpus hîc jacet, cui exulanti, quoniam afflictæ bello patriæ cum lectissima manu militum opem attulit, jure patriæ fuit restituta. Sed fata caveri nequeunt: eum namque nocte quadam domum redeuntem, plures, & armati, solum & inermem adortum, multis vulneribus confectum trucidarunt.

Ibidem

BARTHOLOMÆI PRIGNANI.

*Callimachum facili vicit qui Pindarum & ore,
Cognitus & plenè cui situs orbis erat,
Bartholomæus in hac Prignanus clauditur urna,
Qui tamen invita morte superstes erit.*

IN CARMELITARUM.

LUCRETIAE PARMENSI

Bergontiorum familiæ, splendore formæ, ac venustatis decore clarissimæ; verum pietate, & morum probitate, reiq; familiaris cura quàm longiss. clariori: Jacobus Molza conjugii amabilissimæ, cum qua per annos xxiv. conjunctissimè vixit, mœstiss. pos. Vix. ann. xxxix. Ob. non. Cal. Majas M. D. LXXII.

*Qua mortalis eram hîc jaceo, at, qua nescia mortis
In prole, in claro sum redi viva viro.
Si nullæ adfuissent delicia; nullæ adessent miseriæ.
Quia delicia; miseriis; miseriæ deliciis commutantur.*

IN AEDE DOMINICI.

GASPAR PETRAZANUS

Petra Petri Gratiani & Geminiani Pontifex, pro templis, cum templis, in templis, natus, educatus, exercitatus, vixit, egit, cecidit. Si patriam cernis, huic diversos decrevit honores. M. D. I CVIII. Cald. Decemb.

*Flamma sacri juris, Flamen Jovis, optimus ossa
Petrazanus habet Gaspar in hoc tumulo.
Mactabat superis; cecidit mactatus ad aras,
Ut cecidit pro diis, stat Deus ante deos.*

MUTINENSIA.

193

IN AUGUSTINI.

SMERALDA MATELA,

quæ virum habuit Joannem Sadoletum, Jacobi amplissimi Cardinalis ex fratre nepotē, cum quo vixit annos xv. mens. vi. & cum matrimonii nobilitate formā, cum forma pudicitiam, difficillima omnium societate conjunctam, virilemque rerum adversarum tum in conjugio, tum post conjugium tolerantiam constantissimē servavit, & adversus primarios civitatis competitores viduitatem: hinc sita est, post annos ætatis xxxvi. viduitatis iii. vi. Calend. Sextil. ex testamento.

IN PETRI.

NICOLAI MACHELLÆ

monumentum.

Medicorum scientiā, bonorum probitate omnium sui temporis præstantissimi; quorum utris longiore spatio antecelleret, dubium semper extitit. Vixit annos LX.

Alta cadunt vitis, virtutibus infima surgunt.

IN FRANCISCI.

Sic ure, sic seca, ut in æternum parcas.

Ex constanti præteritorum memoria, & diligenti præsentium observazione, rerum futurarum cognitio adipiscenda.

Rerum amissarum summa sapientia oblivio.

Sumtus ne censum superet.

Diu apparandum est ædificium, ut ædifices celerius.

D. IMM. S.

Joanni Sadoletto Ja. f. Juris utriusque scientia omnibus planè antecellenti, memoria incomparabili, ingenio præstantiss. fide, religione, temperantia supra vel eximiam laudem ad usque dies extremos incolumitate perpetua & integra provento: Jac. Sadoletus, ob pietatem & reverentiam, quod ex eo nihil unquam aspexit, quod imitando non opt. & temperatissimè se gereret: caro apud cives, memorato apud exteros: opt. patri vita functo, bene merenti: & Francisca Machiavellæ ejus unicæ uxori, matri suæ caris-

N

simæ viventi, & sibi fecit. Vixit pater annos LXXI. & obiit
anno M. D. XI.

Locus decreto Collegii sacerdotum datus,
Senatu Populoq; Mutinensi procurante.
Huic monumento præter tres hosce inferatur nemo.



RAVENNATIA.

IN RAVENNAM J. CÆS.

SCALIGER.

Prima per Æmathias quondam vetus edita silvas
Adriacum secuit Thessala prora sinum:
Desertumq; solum, tristiq; informe palude
Muniit: atq; urbis nomen habere dedit.
Hac belli sedes, gelido cum miles ab axe
Proruit, & Grajos expulit inde duces.
Hinc sedet Illyrica prospectans praelia Nerei:
Ionius reduci cum tumet astus aqua.
Hinc oculus superiq; maris, terraq; jacentis
Excubat: hinc duris utraq; meta viris.
Si jungas solida liquentia marmora terra:
In medio tanquam cor metuenda jacet.

INSCRIPTIONES
RAVENNÆ.

AD SEBASTIANI.

Ante portam templi S. Vitalis.

Ἐνταῦθα κείται ὁ στρατηγὸς καλῶς,
Ῥωμὴν τε φυλάξας ἀβλαβῆ, καὶ τῶν δύσιν
Τεῖς ἕξ ἑνιαυτοῖς τοῖς γαλήνοι * δεσπότης
Ἰσαάκισ τῶν βασιλέων ὁ σύμμαχος.
Ὁ τῆς ἀπάσης ἀρμενίας κόσμος μέγας.
Ἄρμενισ ἦν γὰρ ἔτῃ ἐκ λαμπρῆ γένεσ.

Τύπ.